

# ՀԱՇՎԵՏՎՈՒԹՅՈՒՆ

*Կադաստրի պետական կոմիտեի կողմից  
2016թ. սեպտեմբեր - 2017թ. սեպտեմբեր  
ամիսների ընթացքում  
իրականացված միջոցառումների, գերակա խնդիրների  
և բարեփոխումների վերաբերյալ*



Երևան-2017

## 1. ԿՈՄԻՏԵԻ ԿԱՌՈՒՑՎԱԾՔԸ, ՀԱՍՏԻՔՆԵՐԻ ՔԱՆԱԿՆԵՐԸ ԵՎ ԻՐԱԿԱՆԱՑՎԱԾ ՕՊՏԻՄԱԼԱՑՈՒՄԸ

Ներկայումս Կադաստրի պետական կոմիտեն կազմված է կենտրոնական ապարատից, 7 տարածքային (առանձնացված) ստորաբաժանումներից, 40 սպասարկման գրասենյակներից, «Տեղեկատվական տեխնոլոգիաների կենտրոն» ստորաբաժանումից, Գեոդեզիայի և հողային պետական տեսչությունից: Ինչպես նաև կադաստրի պետական կոմիտեի ենթակայությամբ է գործում «Գեոդեզիա և քարտեզագրություն» ՊՈԱԿ-ը:

2016-2017 թվականների թվականի ընթացքում կադաստրի պետական կոմիտեի համակարգում իրականացված բարեփոխումների արդյունքում հնարավոր եղավ կադաստրի համակարգի պահպանման ծախսերը տարեկան կրճատել շուրջ **230.0** մլն ՀՀ դրամով:

Ներկայումս կադաստրի պետական կոմիտեի աշխատողների թվաքանակը կազմում է 788 աշխատակից, որոնցից 436-ը կանայք են:

## 2. ԸՆԴՈՒՆՎԱԾ ԴԻՄՈՒՄՆԵՐԻ ՔԱՆԱԿՆԵՐ ԵՎ ՔԱՂԱՔԱՑԻՆԵՐԻ ՍՊԱՍԱՐԿՈՒՄ

2017 թվականի հունվար-օգոստոս ամիսներին կադաստրի պետական կոմիտեի տարածքային (առանձնացված) ստորաբաժանումներ է մուտքագրվել իրավունքների պետական գրանցման՝ **99.054** դիմում և տեղեկատվության տրամադրման **167.258** դիմում: Դիմումների քանակը 2016թ. հունվար-օգոստոս ամիսների համեմատ աճել է **11.7 %-ով**: Մասնավորապես՝

Հ/Հ	Դիմումի տեսակ	2016թ. հունվար- օգոստոս	2017թ. հուվար- օգոստոս	Աճը (Նվազումը)	
				քանակ	%
1	Իրավունքի պետական գրանցման	95,391	<b>99,054</b>	3,663	3.8
2	Միասնական տեղեկանքի	53,479	<b>62,624</b>	9,145	17.1
3	Տեղեկատվության տրամադրման	89,636	<b>104,634</b>	14,998	16.7
<b>Ընդամենը</b>		<b>238,506</b>	<b>266,312</b>	<b>27,806</b>	<b>11.7</b>

Դիմումները ներկայացվել են.

Հ/Հ	Ընդունված դիմումներ	2016թ. հունվար- օգոստոս	2017թ. հուվար- օգոստոս	Աճը (Նվազումը)	
				քանակ	%
1	Սպասարկման գրասենյակներում	218,522	<b>244,694</b>	26,172	12.0
2	Առցանց	8,344	<b>6,983</b>	-1,361	-16.3
3	Նոտարների կողմից	11,640	<b>14,126</b>	2,486	21.4
4	Օպերատորների կողմից	0	<b>509</b>	509	100.0
<b>Ընդամենը</b>		<b>238,506</b>	<b>266,312</b>	<b>27,806</b>	<b>11.7</b>

Անհրաժեշտ է նշել նաև, որ 2017թ.հունվար-օգոստոս ամիսներին կադաստրի պետական կոմիտեի սպասարկման գրասենյակներում

ստորագրությունների իսկության ճանաչմամբ **անվճար** կնքվել է **10.772** պայմանագիր, որոնց քանակը 2016թ. նույն ժամանակահատվածի համեմատ աճել է **2.815** պայմանագրով, կամ **35.4 %-ով**:

«Տեղեկատվական տեխնոլոգիաների կենտրոն» ստորաբաժանման կողմից ՀՀ պետական և տեղական ինքնակառավարման մարմիններին, քաղաքացիներին և կազմակերպություններին գույքային իրավունքների առկայության, ինչպես նաև գույքի ու դրա նկատմամբ գրանցված իրավունքների և սահմանափակումների վերաբերյալ սահմանված կարգով պատասխանվել է **26.262** գրության, որոնց քանակը 2016թ. նույն ժամանակահատվածի համեմատ աճել է **8,612** դիմումով, կամ **48.8 %-ով**, ինչպես նաև

ՀՀ ԱՆԴԱՀԿ ապահովող ծառայությունից ստորաբաժանումում մուտքագրվել և սահմանված կարգով ընթացք է տրվել գույքային իրավունքների սահմանափակումների և դրանց վերացման վերաբերյալ թվով **177.066** որոշումների կատարմանը:

Հ/Հ	Դիմողներ	2016թ. հունվար-օգոստոս	2017թ. հունվար-օգոստոս	Աճը (Նվազումը)	
				քանակ	%
1	<b>Պետական մարմիններ</b>	7,687	8,616	929	12.1
2	<b>Քաղաքացիներ և իրավաբանական անձինք</b>	9,963	17,646	7,683	77.1
<b>Ընդամենը տեղեկատվության տրամադրման դիմումներ</b>		<b>17,650</b>	<b>26,262</b>	<b>8,612</b>	<b>48.8</b>
3	<b>ԴԱՀԿ</b>	162,149	177,066	14,917	9.2

Հաշվետու ժամանակահատվածում կադաստրի կոմիտե է մուտքագրվել **14.932** գրություն, որից **910**-ը քաղաքացիների դիմումներ են, իսկ **306**-ը դիմում-բողոքներ են: Կոմիտե մուտքագրված գրությունների քանակը 2016թ. նույն ժամանակահատվածի համեմատ աճել է **19.5 %-ով**:

Կոմիտեի ղեկավարության կողմից յուրաքանչյուր երկուշաբթի կոմիտեում իրականացվում է քաղաքացիների ընդունելություն, որի ընթացքում քաղաքացիների կողմից բարձրացված հարցերին տեղում լուծում տալու անհնարինության դեպքում, քաղաքացիներից դիմումներ են ընդունվում՝ դրանց հետագա ընթացքն ապահովելու համար: 2017թ. հունվար-օգոստոս ամիսներին կոմիտեում անցկացված ընդունելություններին մասնակցել է **100** քաղաքացի:

Հ/Հ		2016թ. հունվար- օգոստոս	2017թ. հունվար- օգոստոս	Աճը (Նվազումը)	
				քանակ	%
1	<b>Ընդունած գրությունների ընդհանուր քանակը, որից</b>	<b>12,494</b>	<b>14,932</b>	<b>2,438</b>	<b>19.5</b>
	Քաղաքացիների դիմումներ	757	910	153	20.2
	Դիմում-բողոքներ	213	306	93	43.7
2	Քաղաքացիների ընդունելություն	134	100	-34	-25.37

### 3. ՀԱՎԱՔԱԳՐՎԱԾ ԳՈՒՄԱՐՆԵՐ

2017թ. հուվար-օգոստոս ամիսներին արձանագրվել է կադաստրի պետական կոմիտե նարկայացված դիմումների քանակի աճ: Դիմումների քանակի աճը, ինչպես նաև 2016 թվականի վերջից դիմումատուներին հնարավորության ընձեռումը դիմումը ներկայացնելուց հետո **2 ժամվա** ընթացքում գրանցել անշարժ գույքը կամ ստանալ տեղեկատվություն, հանգեցրել է կադաստրի պետական կոմիտեի եկամուտների զգալի աճին: Մասնավորապես, 2017թ. հունվար-օգոստոս ամիսներին 2016թ. նույն ժամանակահատվածի համեմատ կոմիտեի կողմից մատուցված ծառայությունների համար հավաքագրված գումարները աճել են շուրջ **202.0 մլն.-ով** կամ **9.8%-ով**, իսկ պետական տուրքի մասով՝ **22.5 մլն.-ով** կամ **4.6%-ով**:

Վճարի տեսակ	2016թ. հունվար-օգոստոս /ՀՀ դրամ/	2017թ. հուվար-Օգոստոս /ՀՀ դրամ/	Աճը (Նվազումը)	
			/ՀՀ դրամ/	/%/
Մատուցված ծառայության վճար	2,068,226,430	2,270,214,210	201,987,780	9.77%
Պետական տուրք	483,779,400	506,206,240	22,426,840	4.64%

2017թ. հունվար-օգոստոս ամիսներին կադաստրի պետական կոմիտե է ներկայացվել 1547 դիմում, որոնցով հայցվել է իրավունքի պետական գրանցում կամ տեղեկատվության տրամադրում իրականացնել 2 ժամվա ընթացքում, որոնց արդյունքում գանձվել է շուրջ 50.0 մլն ՀՀ դրամ ծառայության վճար:

#### 4. ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՆՇԱՐԺ ԳՈՒՅՔԻ ՇՈՒԿԱՆ

2017թ. հունվար-օգոստոս ամիսներին հանրապետությունում անշարժ գույքի նկատմամբ իրականացվել է **110.291** գործարք, որոնց քանակը 2016թ.նույն ժամանակահատվածի համեմատ նվազել է **2.7%-ով**: Սակայն անհրաժեշտ է նշել, որ անշարժ գույքի շուկան առավել բնութագրող **օտարման, գրավադրման և վարձակալության** գործարքները աճել են: Մասնավորապես, օտարման գործարքները աճել են **0.3%-ով**, գրավադրման գործարքները՝ **11.8%-ով**, իսկ վարձակալության գործարքները՝ **10.9%-ով**:

Գործարքի տեսակ	2017թ. հունվար-օգոստոս	Աճը (Նվազումը)		2016թ. հունվար-օգոստոս
		քանակ	%	
<b>Օտարում</b>	<b>30,723</b>	<b>82</b>	<b>0.3</b>	<b>30,641</b>
<i>առուվաճառք</i>	<i>22,157</i>	<i>181</i>	<i>0.8</i>	<i>21,976</i>
<i>նվիրատվություն</i>	<i>8,453</i>	<i>7</i>	<i>0.1</i>	<i>8,446</i>
<i>փոխանակում</i>	<i>113</i>	<i>-106</i>	<i>-48.4</i>	<i>219</i>
<b>Վարձակալություն</b>	<b>5,588</b>	<b>548</b>	<b>10.9</b>	<b>5,040</b>
<b>Գրավադրում</b>	<b>14,718</b>	<b>1,552</b>	<b>11.8</b>	<b>13,166</b>
Ժառանգություն	12,577	-194	-1.5	12,771
Օրինականացում	674	2	0.3	672
Առաջնային գրանցում	14,400	575	4.2	13,825
Այլ գործարքներ	31,611	-5,667	-15.2	37,278
<b>Ընդամենը գործարք</b>	<b>110,291</b>	<b>-3,102</b>	<b>-2.7</b>	<b>113,393</b>

\*Այլ գործարքներ- վերագրանցման և սահմանափակումների գրանցման գործարքներ:

Հարկ է նշել նաև, որ վերջին մի քանի ամիսներին նախորդ տարվա նույն ամիսների համեմատ արձանագրվում է անշարժ գույքի նկատմամբ իրականացված գործարքների քանակների աճ: Մասնավորապես 2017թ. հունիսին իրականացված գործարքների քանակը (15.581) 2016թ. հունիսի

համեմատ աճել էր **5.1 %-ով**, 2017թ. հուլիսին իրականացված գործարքների քանակը (15.048) 2016թ. հուլիսի համեմատ աճել էր **7.2%-ով**, իսկ 2017թ. օգոստոսին իրականացված գործարքների քանակը (16.718) 2016թ. օգոստոսի համեմատ աճել է **11.2 %-ով**:

Ամիսը	Անշարժ գույքի նկատմամբ իրականացված գործարքների քանակ		Աճը (Նվազումը)	
	2017թ.	2016թ.	քանակ	%
Հունիս	15,581	14,823	<b>758</b>	<b>5.1</b>
Հուլիս	15,048	14,032	<b>1,016</b>	<b>7.2</b>
Օգոստոս	16,718	15,029	<b>1,689</b>	<b>11.2</b>

Ինչ վերաբերում է անշարժ գույքի գներին, պետք է փաստել, որ Հայաստանի Հանրապետության անշարժ գույքի շուկայում արձանագրվել է անշարժ գույքի գների որոշակի նվազում: Օրինակ, Երևան քաղաքում **2017թ. 1-ին կիսամյակում** բազմաբնակարան բնակելի շենքերի բնակարանների 1 քմ-ի շուկայական միջին գները **2016թ.2-րդ կիսամյակի** համեմատ նվազել են **2.8%-ով**, իսկ մարզերում՝ **3.1 %-ով**:

2017թ. օգոստոսին Երևան քաղաքի վարչական շրջաններում բնակարանների առուվաճառքի գների և առաջարկվող գների վերլուծության արդյունքում ձևավորվել են բնակարանների հետևյալ շուկայական միջինացված գները 1քմ-ի հաշվարկով.



Վարչական շրջաններ	Միջին գները (դրամ)				
	2016թ. օգոստոս	Աճը (Նվազումը)		2017թ. օգոստոս	2017թ. հուլիս
		ՀՀ դրամ	%		
Կենտրոն	428,250	24,550	5.7	<b>452,800</b>	452,800
Արաբկիր	357,350	-14,850	-4.2	<b>342,500</b>	342,500
Քանաքեռ-Զեյթուն	283,150	-16,650	-5.9	<b>266,500</b>	268,000
Նոր Նորք	254,250	-25,050	-9.9	<b>229,200</b>	230,000
Ավան	261,800	-14,800	-5.7	<b>247,000</b>	248,000
Էրեբունի	252,350	-16,350	-6.5	<b>236,000</b>	237,000
Շենգավիթ	257,700	-17,700	-6.9	<b>240,000</b>	240,000
Դավթաշեն	276,850	-25,350	-9.2	<b>251,500</b>	250,000
Աջափնյակ	251,100	-24,850	-9.9	<b>226,250</b>	226,250
Մալաթիա-Սեբաստիա	244,200	-14,200	-5.8	<b>230,000</b>	230,000
Նուբարաշեն	157,450	-1,450	-0.9	<b>156,000</b>	156,000
Միջինը Երևանում	274,950	-13,336	-4.9	<b>261,614</b>	261,868

Երևան քաղաքում ամենաբարձր գները ձևավորվել են բնականաբար Կենտրոն և Արաբկիր վարչական շրջաններում, իսկ ամենացածրը՝ Նուբարաշեն և Աջափնյակ վարչական շրջաններում:

## 5. ԻՐԱԿԱՆԱՑՎԱԾ ԵՎ ԻՐԱԿԱՆՑԵԼԻՔ ՄԻՋՈՑԱՌՈՒՄՆԵՐ, ԳԵՐԱԿԱ ԽՆԴԻՐՆԵՐ ԵՎ ԲԱՐԵՓՈԽՈՒՄՆԵՐ

### 5.1 ԻՐԱԿԱՆԱՑՎԱԾ ԵՎ ԻՐԱԿԱՆԱՑՎԵԼԻՔ ՄԻՋՈՑԱՌՈՒՄՆԵՐ ԵՎ ԳԵՐԱԿԱ ԽՆԴԻՐՆԵՐ

Կադաստրի պետական կոմիտեն 2016թ.սեպտեմբերից մինչև 2017թ.սեպտեմբեր ամիսն ընկած ժամանակահատվածում իրականացրել է ինչպես ՀՀ կառավարության գործունեության ծրագրերով, այնպես էլ ՀՀ վարչապետի որոշումներով և հանձնարարականներով նախատեսված մի շարք միջոցառումներ և գերակա խնդիրներ:

Մասնավորապես.

#### **1. Կազմվել են 2016թ. և 2017թ. ՀՀ հողային հաշվեկշիռները:**

Մշակվել է «Հայաստանի Հանրապետության հողային ֆոնդի առկայության և բաշխման վերաբերյալ 2016 թվականի հաշվետվության (հողային հաշվեկշիռ) մասին» ՀՀ կառավարության որոշման նախագիծը, որը ընդունվել է ՀՀ կառավարության 13.10.2016թ. N 1059-Ն որոշմամբ, իսկ 2017թ. հողային հաշվեկշիռը արդեն իսկ ներկայացված է ՀՀ կառավարության քննարկմանը:

#### **2. Սահմանվել են Հայաստանի Հանրապետության հողերի 2017 թվականի կադաստրային գները:**

2017թ. կառավարության միջոցառումների ծրագրով նախատեսված էր 2017 թվականի մարտի 3-րդ տասնօրյակում Հայաստանի Հանրապետության կառավարության քննարկմանը ներկայացնել «Հայաստանի Հանրապետության հողային ֆոնդի՝ ըստ նպատակային նշանակության հողերի 2017 թվականի կադաստրային գները հաստատելու մասին» Հայաստանի Հանրապետության

կառավարության որոշման նախագիծը: Միջոցառումը կատարված է ժամկետում, որի արդյունքում ընդունվել է Հայաստանի Հանրապետության կառավարության 30.03.2017թ. N 311-Ն որոշումը:

Նշված որոշմամբ Հայաստանի Հանրապետության հողային ֆոնդի՝ ըստ նպատակային նշանակության հողերի 2017 թվականի կադաստրային գները սահմանվել են Հայաստանի Հանրապետության կառավարության 2007 թվականի ապրիլի 19-ի N 607-Ն որոշմամբ սահմանված չափերով, որով ձևավորվել են Հայաստանի Հանրապետության համայնքների վարչական սահմաններում գտնվող հողերի 2017 թվականի հարկման բազաները:

### **3. Ձևավորվել են գույքահարկի և հողի հարկի 2017-2019թթ. բազաները:**

Որպես 2016թ.գերակա խնդիր էր սահմանված «ՀՀ-ում գույքահարկի և հողի հարկի 2017-2019 թվականների հարկման բազաների ձևավորումը»:

Գերակա խնդիրը սահմանված ժամկետում ամբողջությամբ կատարված է: 2016 թվականի հուլիսի 1-ի դրությամբ հաշվառված տվյալների հիման վրա անշարժ գույքի կադաստրի համակարգի կողմից իրականացվել են հաջորդ երեք տարիների 2017-2019 թվականների շինությունների ու հողերի կադաստրային գնահատություններ (վերագնահատություններ) և ամփոփ տվյալները 2016թ. սեպտեմբերի 1-ին տեղադրվել են տեղական ինքնակառավարման մարմիններին հասանելի՝ կադաստրի պետական կոմիտեի էլեկտրոնային կայքում: Սույն գերակա խնդրի շրջանակներում կադաստրի պետական կոմիտեի կողմից իրականացվել է շուրջ **980.000**միավոր շենք-շինությունների և շուրջ **1.640.000** միավոր /936.000 հա/ հողամասերի գնահատություններ:

#### **4. Իրականացման ընթացքում են Հայաստանի Հանրապետության քվադրիգեոիդի մոդելի ստեղծման աշխատանքները:**

Որպես գերակա խնդիր է սահմանված «Հայաստանի Հանրապետության տարածքում WGS-84 (ArmREF02) ազգային գեոդեզիական կոորդինատային համակարգում քվադրիգեոիդի մոդելի ստեղծման աշխատանքները»: Գերակա խնդրի իրականացումը դեռևս ընթացքի մեջ է /Ժամկետ - նոյեմբերի 3-րդ տասնօրյակ/:

Սույն ծրագրի նպատակը Հայաստանի Հանրապետության տարածքի որոշ բարձրադիր շրջաններում GPS դիտարկումներ, II դասի նիվելիրացման աշխատանքներ իրականացնելն է: Արդյունքում կստանանք քվադրիգեոիդի ճշգրտված թվային մոդելը, որը կնպաստի ՀՀ տարածքում տեղադրված իրական ժամանակում մշտական գործող ռեֆերենց կայանների ձևափոխվող՝ տրանսֆորմացիոն պարամետրերի ճշգրտման մակարդակի բարձրացմանը, որն էլ կապահովի «ՌՌՎԵՐ» դիտարկման GPS կայաններից անմիջապես ստանալու կետի տեղադիրքի կոորդինատները WGS-84 (ՎԻ ՋԻ ԷՍ-84) համակարգում: Արդյունքում հնարավորություն կտրվի գեոդեզիայի բնագավառում գործունեություն իրականացնող սուբյեկտներին խնայել ժամանակ և ֆինանսական զգալի միջոցներ:

#### **5. Իրականացման ընթացքում են Երևան, Գյումրի եվ Վանաձոր քաղաքների բազային երկրատեղեկատվական համակարգի ստեղծման աշխատանքները:**

Որպես գերակա խնդիր է սահմանված նաև «Երևան և Գյումրի քաղաքների բազային երկրատեղեկատվական համակարգի տվյալների մշակումը և ներբեռնումը ՀՀ կառավարությանն առընթեր անշարժ գույքի կադաստրի պետական կոմիտե գեոպորտալում»: Միաժամանակ

իրականացվում են Վանաձոր քաղաքի բազային երկրատեղեկատվական համակարգի քարտեզագրական հիմքի ստեղծման աշխատանքները:

Աշխատանքները կավարտվեն մինչև տարեվերջ, և ներդրվող բազային երկրատեղեկատվական համակարգը հիմք է հանդիսանալու գերատեսչական տարբեր բնագավառների խնդիրների լուծման համար: Արդյունքում կստեղծվի Հայաստանի Հանրապետության միասնական գեոպորտալ, որտեղ միասնական տեղեկատվական բանկում տվյալները կթարմացվեն իրական (on-line) ժամանակում և կապահովվի պետական կառավարման, տեղական ինքնակառավարման մարմինների և հանրության համար էլեկտրոնային եղանակով ինտերնետ միջավայրում տեղեկատվության հասանելիությունը:

**6. Հաջողությամբ ավարտվել են Կոմիտեի գեոպորտալի և ՀՀ գյուղատնտեսության նախարարության «Անտառային պետական մոնիտորինգի կենտրոն» ՊՈԱԿ-ի ճյուղային երկրատեղեկատվական համակարգի փորձնական ինտեգրման աշխատանքները:**

**7. Ստեղծվել է Սևանա լճի երկրատեղեկատվական համակարգը:**

Հաշվի առնելով այն խնդիրները, որոնք կարող են առաջանալ Սևանա լճի բարձրացման հետ կապված՝ կոմիտեն նախաձեռնեց Սևանա լճի երկրատեղեկատվական համակարգի ստեղծումը: Այն իր մեջ ներառում է 1900-1905 բարձրության վրա գտնվող տարածքների տեղանքի և ռելիեֆի թվային մոդելը:

- Ստեղծվել է թվային տեղեկատվական քարտեզ, որտեղ կարող ենքստանալ ցանկացած օբյեկտի մասին տեղեկատվություն: Օրինակ, քարտեզում շենքի վրա նշելով՝ կարելի է իմանալ դրա հարկայնությունը, նպատակային նշանակությունը, մակերեսը, իրավատերը և այլն:

- Ստեղծվել է էլեկտրոնային ավտոմատացված հաշվետվությունների համակարգ, որը ամփոփում է 1900-ից մինչև 1905 հորիզոնականի միջակայքում ընկած տարածական օբյեկտները, ըստ տեսակի, մակերեսի, քանակի և հորիզոնականի անկման: Օրինակ, ընտրելով 1901 բարձրության հաշվետվությունը՝ հնարավոր է ստանալ ամփոփ տվյալներ, թե քանի էլեկտրական սյուն, հողամաս, շենք և այլ օբյեկտներ կմնան ջրի տակ ըստ մակերեսների և քանակի:
- Ստեղծվել է Սևան ազգային պարկի եռաչափ մոդելը, որտեղ հնարավոր է ըստ բարձրությունների մոդելավորել, թե որ օբյեկտները կմնան ջրի տակ: Օրինակ, եռաչափ մոդելում համապատասխան վերլուծական գործիքի միջոցով մուտքագրելով 1մ՝ կարող ենք տեսնել, թե ինչպես է ջուրը 1900 մ հորիզոնականից բարձրանում մեկ մետր և որ տարածքներն են մնում ջրի տակ:

Ամփոփելով վերը նշվածը՝ կարող ենք փաստել, որ ստեղծված համակարգը ապահովում է Սևանա լճի տարածքում գոյություն ունեցող տվյալների ամբողջականությունը, որակը, ճշտությունը և ապահովում է մեկ աղբյուրից տեղեկատվություն ստանալու հնարավորությունը, որն իր հերթին թույլ է տալիս արագ և արդյունավետ որոշումներ ընդունել, առկա տարածքների կառավարման խնդիրների լուծման համար:

**8. Իրականացվել է «Հայաստանի Ազգային ատլաս»-ի անգլերեն լեզվով «Բ» հատորի թարմացման, խմբագրման և քարտեզների ձևավորման, թվայնացման նախապատրաստման աշխատանքները:**

**9. Սկսվել են Ազգային ատլասի ռուսերեն լեզվով տարբերակի ստեղծման աշխատանքները:**

**10. Ստեղծվել է 5 անուն քարտեզ ուսումնական և զբոսաշրջային թեմաներով:**

**11. Կատարվել են Հայաստանի Հանրապետության ջրագրական օբյեկտների անվանումների համառոտ տեղեկատուի /390 օբյեկտ/, ինչպես նաև Եվրոպայի խոշոր ֆիզաշխարհագրական օբյեկտների տեղեկատուի /160 օբյեկտներ/ նախապատրաստման աշխատանքները:**

**12. Շարունակվում են իրականացվել Հայաստանի Հանրապետության համայնքների կադաստրային քարտեզագրման /թարմացման/ աշխատանքները:**

Մասնավորապես, 2017թ. իրականացվում են Հայաստանի Հանրապետության Արմավիրի մարզի Հացիկ, Երասխահուն, Մուսալեռ, Փշատավան, Հայաստանի Հանրապետության Արարատի մարզի Եղեգնավան, Հայաստանի Հանրապետության Արագածոտնի մարզի Վերին Սասունիկ, Ագարակ, Գեղարոտ, Հայաստանի Հանրապետության Գեղարքունիքի մարզի ք. Գավառ /Հացառատ թաղամաս/, Ակունք, Գեղամավան, Հայաստանի Հանրապետության Կոտայքի մարզի Վ.Պտղնի, Բալահովիտ, Քարաշամբ, Մայակովսկի, Հայաստանի Հանրապետության Վայոց ձորի մարզի Ագարակաձոր, Հայաստանի Հանրապետության Տավուշի մարզի ք.Դիլիջան համայնքների կադաստրային քարտեզագրման /թարմացման/ աշխատանքները:

**13. Իրականացվում են Հայաստանի Հանրապետության խոշորացված համայնքների կադաստրային և հողաշինարարական հատակագծերի և այդ համայնքների ճշտված հողային հաշվեկշիռների կազմման ծրագիրը:**

**14. ՀՀ Հարկային օրենսգրքի կիրարկումն ապահովելու նպատակով մշակվել է ՀՀ կառավարության որոշման 5 նախագիծ:**

ՀՀ վարչապետի 19.01.2017թ. «Հայաստանի Հանրապետության հարկային օրենսգրքի կիրարկումն ապահովող միջոցառումների ցանկը հաստատելու մասին» N 35-Ա որոշման շրջանակներում անշարժ գույքի կադաստրի համակարգի կողմից մշակվել և սահմանված ժամկետում ՀՀ կառավարության քննարկմանն են ներկայացվել և սահմանված ժամկետում ՀՀ կառավարության քննարկմանն են ներկայացվել «Հայաստանի Հանրապետության կառավարության 2004 թվականի օգոստոսի 12-ի N 1194-Ն որոշման մեջ փոփոխություններ և լրացում կատարելու մասին», «Հայաստանի Հանրապետության կառավարության 2003 թվականի ապրիլի 17-ի N 470-Ն որոշման մեջ փոփոխություններ կատարելու մասին», «Անշարժ գույքի կադաստր վարող մարմնի կողմից անշարժ գույքի հարկով հարկման օբյեկտ համարվող անշարժ գույքի ու դրանց գնահատումների (վերագնահատումների) վերաբերյալ տեղական ինքնակառավարման մարմիններին տեղեկություններ ներկայացնելու կարգը սահմանելու և Հայաստանի Հանրապետության կառավարության 2003 թվականի մայիսի 22-ի N 641-Ն և 2007 թվականի ապրիլի 19-ի N 465-Ն որոշումներն ուժը կորցրած ճանաչելու մասին», «Շինությունների նպատակային նշանակության դասակարգման ցանկը սահմանելու մասին» ՀՀ կառավարության որոշումների նախագծերը և ընդունվել են համապատասխանաբար ՀՀ կառավարության 06.04.2017թ. N 351-Ն, N 352-Ն, N 388-Ն և 29.06.2017թ. N 757-Ն որոշումները:

**15. Հայաստանի Հանրապետության անշարժ գույքի շուկայի համակարգված դիտարկումների արդյունքների հիման վրա կազմվել և հրապարակվել են վերլուծական հոդվածներ:**

Հայաստանի Հանրապետության անշարժ գույքի շուկայի համակարգված դիտարկումների արդյունքների հիման վրա կազմվել և հրապարակվել են



2017թ. հունվար, փետրվար, մարտ, ապրիլ, մայիս, հունիս, հուլիս, օգոստոս ամիսների, ինչպես նաև 2017 թվականի 1-ին, 2-րդ եռամսյակների և 2017թ. 1-ին կիսամյակի /գնային և քանակական/ վերլուծական հոդվածները /համառոտագրերը/:

**16. Կոմիտեի աշխատակազմի սպասարկման գրասենյակի կարգավիճակ է տրվել 7 ընկերության:**

ՀՀ կառավարության 27.10.2016թ. N1109-Ն որոշմամբ կոմիտեի աշխատակազմի սպասարկման գրասենյակի կարգավիճակ է տրվել յոթ ընկերության («Հայփոստ», «Արդշինբանկ», «Ամերիաբանկ», «Կոնվերսբանկ», «Անելիքբանկ», «Հայէկոնոմբանկ» և «Արարատբանկ»):

Այդ նպատակով, 2017թ.փետրվար ամսից սկսած կոմիտեի համակարգում կազմակերպվել է նշված օպերատորների համապատասխան մասնագետների ուսուցում՝ տեսական և գործնական դասընթացների միջոցով: Գործնական դասընթացները կազմակերպվել են կոմիտեի աշխատակազմի սպասարկման գրասենյակներում: Դասընթացների ավարտից հետո օպերատորներին տրամադրվել է հավաստագիր, որի հիման վրա էլ վերջիններս նույնպես իրականացնում են անշարժ գույքի կադաստրի պետական կոմիտեի աշխատակազմի սպասարկման գրասենյակների գործառույթները:

Նրանց կողմից 2017թ.հունվար-օգոստոս ամիսներին ընհանուր առմամբ ընդունվել է **509** դիմում:

**17.Մեթոդական և տեխնիկական օժանդակության ցուցաբերում Արցախի Հանրապետության կառավարության աշխատակազմի անշարժ գույքի կադաստրի վարչությանը:**

Դեռևս 2016թ. տարեվերջին ՀՀ կադաստրի համակարգի կողմից Արցախի Հանրապետության կառավարության աշխատակազմի անշարժ գույքի

կադաստրի վարչությունում ներդրվեց անշարժ գույքի տեղեկատվական էլեկտրոնային համակարգը (NKRPIIS), որը հնարավորություն է ընձեռում իրավունքի պետական գրանցման և տեղեկատվության տրամադրման վարույթներն իրականացնել էլեկտրոնային եղանակով: Սույն ծրագիրն արդեն իսկ այս տարվա ապրիլի 10-ից հաջողությամբ գործարկվել է Արցախի Հանրապետության կառավարության աշխատակազմի անշարժ գույքի կադաստրի վարչությունում և այսուհետ դարձել համակարգի ընթացիկ գործունեության հիմնական ծրագրային ապահովումը:

2017 թվականի ընթացքում ՀՀ կադաստրի համակարգի կողմից մշտական մեթոդական օգնություն է ցուցաբերվել Արցախի Հանրապետության կադաստրի համակարգին, մեր կողմից համապատասխան տեխնիկական միջոցներ են տեղադրվել Արցախի Հանրապետության կադաստրի համակարգում, ապահովվել է մասնագետների ուսուցումը՝ իրավունքների էլեկտրոնային գրանցումն ապահովելու համար:

## **5.2 ԻՐԱԿԱՆԱՑՎԱԾ ԵՎ ԻՐԱԿԱՆԱՑՎԵԼԻՔ ԲԱՐԵՓՈՒՆՈՒՄՆԵՐ**

### **5.2.1 ԻՐԱԿԱՆԱՑՎԱԾ ԲԱՐԵՓՈՒՆՈՒՄՆԵՐ**

#### **1. Դիմումների ընթացքի վերաբերյալ պաշտոնական էլեկտրոնային կայքում (e-cadastre.am) ամբողջական տեղեկատվության տրամադրում**

Նախկինում կոմիտեի պաշտոնական էլեկտրոնային կայքում (e-cadastre.am) դիմումի համարի մուտքագրման ժամանակ քաղաքացիներին տրամադրվում էր տեղեկատվություն միայն դիմումի ընթացքի վերաբերյալ:

Սույն թվականի մարտ ամսից բացի դիմումի ընթացքի վերաբերյալ տեղեկատվություն ստանալուց, քաղաքացին հնարավորություն ունի նաև դիտելու, ներբեռնելու և տպելու ավարտական փաստաթուղթը (վկայական, տեղեկանք, կասեցում, մերժում և այլն):

## **2. Դիմումի քննարկման ընթացքի ավարտման վերաբերյալ կարճ հաղորդագրությամբ ծանուցում**

Սույն թվականի մարտից դիմումատուների ցանկությամբ SMS կարճ հաղորդագրությամբ նրանց անվճար ծանուցվում է իրենց կողմից սպասարկման գրասենյակ ներկայացված դիմումների քննարկման ընթացքի ավարտի վերաբերյալ: Այդպիսով, դիմումատուներն ավարտական փաստաթուղթը ստանալու համար գրասենյակ են այցելում միայն դրա պատրաստ լինելուց հետո: Ծառայության ներդրումից մինչ օրս այս ծառայությունից օգտվել է շուրջ 162.380 դիմումատու:

## **3. Սեփականատերերին կամ գրավառուներին կոնկրետ անշարժ գույքերի նկատմամբ ներկայացված դիմումների վերաբերյալ ծանուցում**

Սույն թվականի մարտից համապատասխան դիմում ներկայացնելու դեպքում սեփականատերերին կամ գրավառուներին sms կարճ հաղորդագրությամբ և էլեկտրոնային նամակով ծանուցվում է կոնկրետ անշարժ գույքերի նկատմամբ համակարգ մուտքագրված իրավունքների պետական գրանցման կամ դրանց դադարման և միասնական տեղեկանքի տրամադրման դիմումների ու դրանց հիման վրա կայացված որոշումների վերաբերյալ:

## 5.2.2 ԻՐԱԿԱՆԱՑՎԵԼԻՔ ԲԱՐԵՓՈՒՑՈՒՄՆԵՐ

### 1. Առցանց ինքնաշխատ եղանակով տեղեկատվության տրամադրում

Ներկայումս մեծածավալ աշխատանքներ են իրականացվում կոմիտեի կողմից մատուցվող էլեկտրոնային ծառայությունների ընդլայնման նպատակով և նախատեսվում է մինչև տարեվերջ տեղեկատվության տրամադրումն իրականացնել առցանց՝ ինքնաշխատ եղանակով: Ներկայումս դիմումատուն հնարավորություն ունի առցանց դիմում ներկայացնել, սակայն մնացած ամբողջ գործընթացները՝ դիմումի քննարկման ժամկետը և ավարտական փաստաթուղթի ստանալն այնպիսին են, ինչպիսին որ կլինեին սպասարկման գրասենյակում դիմում ներկայացնելուց: Նախատեսվում է տեղեկատվության որոշ տեսակներ տրամադրել առցանց՝ ինքնաշխատ եղանակով, որի դեպքում հարցումը կատարելուց հետո տեղեկատվությունը կտրամադրվի անմիջապես:

Առցանց՝ ինքնաշխատ եղանակով կտրամադրվի հետևյալ տեղեկատվությունները՝

- **Անշարժ գույքի սուբյեկտների վերաբերյալ,**
- **Իրավունքների պետական գրանցման ամսաթվերի վերաբերյալ,**
- **Կադաստրային արժեքների վերաբերյալ,**
- **Կադաստրային արժեքի ամփոփ հաշվարկի ձևաթուղթը,**
- **Անշարժ գույքի որակական և քանակական տվյալների վերաբերյալ,**
- **Անշարժ գույքի պայմանագրային գների վերաբերյալ**

Առցանց՝ ինքնաշխատ եղանակով տեղեկատվության տրամադրումը մի կողմից քաղաքացիների համար տեղեկատվության ստացումը կադաստրից կդարձնի ավելի մատչելի, ինչպես այն ստանալու հարմարավետության,

ժամկետների կրճատման, այնպես էլ դրա համար վճարվող ծառայության վճարի տեսանկյունից, իսկ մյուս կողմից կկրճատի կադաստրի աշխատակիցների ծանրաբեռնվածությունը և պահպանման համար նախատեսված ծախսերը, կավելացնի տեղեկատվություն ստանալու հարցումները և համապատասխանաբար նաև կոմիտեի եկամուտները: (Ներդրումը մինչև տարեվերջ)

## **2. ARPIS և E-CONSUL համակարգերի ինտեգրում**

2015 թվականի սեպտեմբերի 30-ից Ռուսաստանի Դաշնության Սանկտ-Պետերբուրգ քաղաքի Հայաստանի Հանրապետության գլխավոր հյուպատոսարանում մեկնարկել է պիլոտային ծրագիր, որով հնարավորություն է ընձեռվել ինչպես մեր հայրենակիցներին, այնպես էլ տվյալ երկրների բնակիչներին առանց անձամբ Հայաստան այցելելու, տեղեկատվություն ստանալ և գործարքների վերաբերյալ ներկայացնել ու ստանալ համապատասխան փաստաթղթեր Հայաստանի Հանրապետությունում գտնվող անշարժ գույքի վերաբերյալ:

Նախատեսվում է կադաստրի համակարգի կողմից կիրառվող գույքի նկատմամբ իրավունքների պետական գրանցման և տեղեկատվության տրամադրման գործառույթների իրականացման ARPIS էլեկտրոնային համակարգն ինտեգրել ՀՀ արտաքին գործերի նախարարության «Էլեկտրոնային հյուպատոսության» ծրագրային համակարգին, որի արդյունքում հնարավորություն է ընձեռվում արտերկրում գործող ՀՀ բոլոր հյուպատոսական հիմնարկներից (45 հատ) մուտքագրել կադաստրի գործառույթներին վերաբերող դիմումներ և ստանալ դիմումների արդյունքում ձևավորված ավարտական փաստաթղթեր: (Ներդրումը մինչև տարեվերջ)

**3. Նախատեսվում է ստեղծել հարկային մարմնին տրամադրվող եռամսյակային հաշվետվության առցանց տրամադրման հանարավորություն: (Ներդրումը մինչև տարեվերջ):**

**4. ԴԱՀԿ կողմից ներկայացվող սահմանափակումների կիրառման և վերացման որոշումների բազայի կապակցում անշարժ գույքի տեղեկատվական համակարգին (ARPIS)**

Նախագծվել է համապատասխան էլեկտրոնային ծառայություն, որի միջոցով ԴԱՀԿ ծառայության էլեկտրոնային համակարգում ձևավորվող սահմանափակման վերաբերյալ որոշումներն անմիջապես կմուտքագրվեն կոմիտեի՝ անշարժ գույքի նկատմամբ իրավունքների պետական գրանցման ավտոմատացված համակարգ, ինչը, կապահովի սահմանափակման վերաբերյալ որոշումների անհապաղ կատարման հնարավորությունը և կնվազեցնի դրանք ուշացումով ստանալու հետ կապված ռիսկերի հավանականությունը: Միաժամանակ վերոնշյալ համակարգը կապահովի կապակցումը սահմանափակումների կիրառման և վերացման բազայի ու գույքային իրավունքների գրանցման էլեկտրոնային բազայի միջև: (Ներդրումը մինչև տարեվերջ)

**5. Սպասարկման որակի բարելավմանը և դիմումատուների իրազեկվածության մակարդակի բարձրացմանն ուղղված միջոցառումներ**

Ներկայումս Երևան քաղաքի սպասարկման գրասենյակներում և Արմավիր սպասարկման գրասենյակում տեղադրված են աշխատակիցների էլեկտրոնային գնահատման համակարգեր, որի միջոցով դիմումատուները հնարավորություն ունեն իրենց գոհունակությունը կամ դժգոհությունը հայտնել իրենց սպասարկող աշխատակցից: Գնահատման արդյունքները թույլ են տալիս իրականացնել համապատասխան վերլուծություններ գրասենյակի և

կոնկրետ աշխատակցի կողմից իրականացված աշխատանքի և մատուցված ծառայությունների որակի վերաբերյալ: Նախատեսվում է մինչև տարեվերջ նմանատիպ համակարգեր տեղադրել նաև կոմիտեի աշխատակազմի մի շարք սպասարկման գրասենյակներում ևս:

Դիմումատուների իրազեկվածության մակարդակը բարձրացնելու, ինչպես նաև համակարգում ներդրվող նոր ծառայությունների վերաբերյալ դիմումատուներին ծանուցելու նպատակով նախատեսվում է մինչև տարեվերջ կոմիտեի աշխատակազմի մի շարք սպասարկման գրասենյակներում տեղադրել տեղեկատվական էլեկտրոնային վահանակներ, ինչպես նաև պարբերաբար ցուցադրել կարճ տեսահոլովակներ:

**6. Նախատեսվում է իրականացնել Հայաստանի Հանրապետության տարածքի միասնական տարածազնահատման նոր գոտևորում:**

ՀՀ կառավարության 2017-2022 թվականների միջոցառումների ծրագրով նախատեսվել է 2018-2019 թվականների ընթացքում Հայաստանի Հանրապետությունում սահմանել միասնական տարածազնահատման նոր գոտևորում, որի հիման վրա կսահմանվեն գոտիների նկարագրերը, հողամասի բազային արժեքը և գոտուց գոտի անցման գործակիցները:

**7. Անշարժ գույքի շուկայի համակարգված դիտարկման լրամշակում և ամբողջականացում**

Ներկայումս կադաստրի պետական կոմիտեն յուրաքանչյուր ամիս, եռամսյակ, կիսամյակ, տարի հրապարակում է վերլուծություններ ՀՀ անշարժ գույքի շուկայի վերաբերյալ: Կարևորելով անշարժ գույքի շուկայի վերաբերյալ տեղեկատվության հասանելիության ապահովումը՝ ներկայումս իրականացվում են աշխատանքներ այդ վերլուծությունների լրամշակման և ամբողջականացման ուղղությամբ: ՀՀ անշարժ գույքի շուկայի առավել

մանրամասն և ընդգրկուն վերլուծությունները թույլ կտան անշարժ գույքի շուկայի մասնակիցներին, պոտենցիալ ներդրողներին վերլուծել և ճիշտ կողմնորոշվել նոր ձևավորված տնտեսական միջավայրում:

Արդեն 2-3 ամսից կադաստրի պետական կոմիտեի կողմից կիրապարակվի որակապես այլ որակի վերլուծություն, որտեղ անշարժ գույքի շուկան առավել բնութագրող օտարման, վարձակալության և գրավադրման գործարքները կվերլուծվեն ավելի մանրամասն և հնարավորինս ամբողջական տեղեկատվություն կներկայացվի՝ ըստ յուրաքանչյուր քաղաքային բնակավայրի և անշարժ գույքի տեսակի:

## 6. ՄԻՋԱԶԳԱՅԻՆ ՀԱՄԱԳՈՐԾԱԿՑՈՒԹՅՈՒՆ

1. 2016 թվականի հոկտեմբերին կազմակերպվել է Շվեդական «Սվիդսերվեյ» կազմակերպության գործադիր տնօրեն Ֆրեդերիկ Զետեռքուեստի այցը ՀՀ կադաստրի պետական կոմիտե, որի շրջանակներում ՀՀ կառավարությանն առընթեր անշարժ գույքի կադաստրի պետական կոմիտեի և Շվեդական «Սվիդսերվեյ» կազմակերպության միջև ստորագրվել է փոխըմբռնման հուշագիր:

2. 2016թ-ի հոկտեմբերի 18-19-ը Մոլդովայի Քիշնև քաղաքում կայացել է Գեոդեզիայի, քարտեզագրության, կադաստրի և Երկրի հեռահար զոնդավորման ԱՊՀ միջպետական խորհրդի հերթական 38-րդ նստաշրջանը, որին մասնակցել են 8 անդամ պետությունների, ԱՊՀ գործադիր կոմիտեի, ինչպես նաև ՀՀ կադաստրի պետական կոմիտեի պատվիրակությունները, իսկ նոյեմբերին Հայաստանի Հանրապետություն են այցելել Բելառուսի Հանրապետության կադաստրի ազգային գործակալության պատվիրակությունը, որի շրջանակներում իրականացվել են ոլորտի մասնագետների հետ պատվիրակության անդամների գործնական



հանդիպումներ ու քննարկումներ, ինչպես նաև ճանաչողական շրջայցեր կոմիտեի առանձնացված ստորաբաժանումներ:

3. Նույն ժամանակահատվածում Ղազախստանի Հանրապետության Աստանա քաղաքում կայացած «Անշարժ գույքի կադաստրային հաշվառման ոլորտի արդիական հարցերը» թեմայով համաժողովին իր մասնակցությունն է ապահովել կադաստրի պետական կոմիտեի պատվիրակությունը, որի ընթացքում կնքվել է փոխհամագործակցության հուշագիր:

4. 2017 թվականի փետրվարի 19-21-ը Հայաստան է ժամանել Ռուսաստանի Դաշնության Պետական գրանցման, կադաստրի և քարտեզագրության դաշնային ծառայության (ՌՈՍՌԵՏՍՏՐ) պատվիրակությունը՝ դաշնային ծառայության պետ և ՌԴ տնտեսական զարգացման փոխնախարարի գլխավորությամբ: Հաշվի առնելով դաշնային ծառայության հետ բազմամյա համագործակցության շրջանակների ընդլայնման և կապերի ամրապնդման անհրաժեշտությունը, ՀՀ կառավարությանն առընթեր անշարժ գույքի կադաստրի պետական կոմիտեի նախագահի և ռուսական պատվիրակության ղեկավարի կողմից ստորագրվեց փոխըմբռնման և համագործակցության հուշագիր:

5. 2017 թվականի հունիսի 15-ին ՀՀ կառավարությանն առընթեր անշարժ գույքի կադաստրի պետական կոմիտեի աշխատակազմը աշխատանքային հանդիպման շրջանակներում հյուրընկալել էր Ռուսաստանի Դաշնության գնահատողների միության նախագահ, ՌԴ տնտեսական զարգացման նախարարությանը կից գնահատման խորհրդի անդամ Սվետլանա Տաբակովային և միության գործադիր տնօրեն Սերգեյ Զայկինին: Հանդիպման նպատակն էր գործընկերների հետ քննարկել Եվրասիայի

գնահատողների ասոցիացիայի և հայ գնահատողների համագործակցության հետ կապված հարցեր:

6. 2014թ-ից առ այսօր շարունակվում է անշարժ գույքի կադաստրի պետական կոմիտեի համագործակցությունը «Եվրոգեոգրաֆիկս» կազմակերպության, Ասիական Զարգացման բանկի, Համաշխարհային բանկի, ՄԱԿ-ի Պարենի և գյուղատնտեսության կազմակերպության, ՄԱԿ-ի Եվրոպական տնտեսական հանձնաժողովի Հողային ռեսուրսների կառավարման աշխատանքային խմբի, ՄԱԿ-ի Գլոբալ տարածական տեղեկատվության կառավարման մասնագետների կոմիտեի, օտարերկրա պետությունների համապատասխան գերատեսչությունների հետ: